

Nā Nīnau Ho‘ono‘ono‘o

He mau nīnau ho‘owala‘au a hō‘eu i ka hana pili i nā wikiō Kumukahi



Kumuhana: **MAUI**

Mokuna: Pae‘āina

Māhele: Ka Honua

Hoa hele: Keola Akana

Kama‘āina: Les Kuloloia

Paena: http://www.kumukahi.org/units/ka_honua/paeaina/maui

Nā nīnau kiko‘ī

1. ‘Ehia moku o Maui? ‘Oi aku a emi mai paha ka nui o ko O‘ahu mau moku? No ke aha?
2. Ua hō‘ike mai ‘o ‘Anakala Les i ka inoa o ka piko o Haleakalā a me ko Mauna Kahālāwai. E ho‘ohālikelike i ka piko o ka mauna me ka piko o ke kanaka ma ka ‘ōpū. He aha nā mea like? He aha nā mea ‘oko‘a?
3. Wahi a ‘Anakala Les he moku wela ‘o Honua‘ula. Ma ka nānā ‘ana i kahi e waiho nei ia moku a me nā hi‘ohi‘ona o ka ‘āina e pili pū ana, he aha kekahi mau kumu o ka wela?
4. He mea nui nō paha ko kākou ho‘opa‘a ‘ana i ka inoa o nā moku o ko kākou mokupuni? No ke aha?
5. ‘O lūhe‘e ka inoa o kekahi o nā māhele o ke kai. ‘O ka lūhe‘e kekahi ‘ano o ka lawai‘a he‘e ‘ana. No ke aha i kapa ‘ia ai ia māhele o ke kai ma ia inoa? Inā nāu e kapa inoa i nā māhele o kou pā hale a me ke alanui paha i kokoke i kou home, he aha nā inoa āu e kapa ai? He aha ke kumu o ia mau inoa?
6. Ua nānā ‘o ‘Anakala Les lāua me ‘Anakala Keola i kekahi mau palapala ‘āina. E kaha i kekahi palapala ‘āina o kou ‘āina e noho nei. He mau wahi pana nō paha e kipa ‘ia e nā malihini? Pehea ‘oe e hō‘ike mai ai ma kāu palapala ‘āina?

Nā nīnau laulā

- He aha nā ha‘awina o kēia wikiō e pili ana i ka ‘ike Hawai‘i a me kona mau pono no kēia au e ne‘e nei?
- Pehea e pili ai ia wikiō i kekahi mau hi‘ohi‘ona o ka mo‘omeheu Hawai‘i āu i a‘o ai a i ‘ike ai paha?
- Pehea kākou e ho‘omau ai i kēia mau hana ku‘una Hawai‘i i kēia mua aku?